

南漢地理志
南漢金石志



南漢地理
卷一 卷全
同 卷一 卷

南漢金石志目錄

卷一

石版文

唐龍紀元年

廣州石識

南漢乾亨元年

古劍文

大有元年

康陵碑

光天元年

尊勝經石幢

乾和三年

白石秀林記

乾和三年

碧落洞天雲華御室記

乾和七年

瓊州乾亨寺鐘銘

乾和九年

東禪院銅鐘款

乾和九年

志目

長慶禪院銅鐘款

乾和十五年

感報寺銅鐘款

乾和十六年

雲門山匡真大師塔銘

大寶元年

寶林禪院銅鐘款

大寶二年

宴石山記

大寶二年

拓路記

大寶三年

修慧院鐘款

大寶三年

乾亨寺銅鐘款

大寶四年

昭州光孝寺銅佛識

大寶四年

卷二

鎮象塔記

大寶五年

西鐵塔記 大寶六年

長壽寺銅鐘款 大寶七年

匡聖宏明大師碑銘 大寶七年

東鐵塔記 大寶十年

懿陵碑 以下年代無考

天華宮石刻

瑞象記

碧虛觀碑

韜真觀碑

南漢地理志

嘉應吳蘭修編

興王府本廣州乾亨元年改為興王府司馬光資領
縣十三

常康 咸寧乾亨元年析南海為常康咸寧二縣

永豐重合二場樂史太平寰宇記 蘭修按歐陽

恥為蠻夷主永樂大典引宋會要云劉氏割據嶺

表建偽都於廣州乃分南海縣地為常康咸寧二

縣以為京邑且就美名是也宋會要又云開寶五

年廢常康咸寧二縣依舊為南海與寰宇記王存

元豐九域志李攸宋朝事實歐陽忞輿地廣記合

宋史地理志有常康而不及咸寧馬端臨文獻通

考有咸寧而不 番禺 增城 四會 化蒙宋

及常康並誤 游水宋志宋朝事實輿地廣記作

作蒙 懷集 游水宋志宋朝事實輿地廣記作

化誤 東莞 清遠 洽涯輿地廣記作洽涯吳任臣

新會 義寧 韶州領縣五

曲江 始興蘭修按宋志宋朝事實輿地廣記宋

云乾和四年割浚昌始 樂昌 翁源 仁化

興二縣置雄州誤也 潮州蘭修按潮州至宋未廢 領縣二

海陽 潮陽 禎州蘭修按通考宋天禧四年以州名犯仁宗 本循

州舊理乾亨元年移循州於雷鄉縣於此置禎州仍

割循州之歸善博羅海豐河源四縣以屬之寰宇記

按寰宇記於循州下又云劉鋹割據偽號乾寧元年

乾寧當作乾亨王象之領縣四

歸善 博羅 河源 海豐

循州蘭修按循州至宋未廢乾亨元年移治雷鄉縣

歐史職方考無循州誤

龍川舊雷鄉縣乾亨六年改寰宇記興寧乾亨時

移於舊縣西六十里地名長樂同上蘭修按黃

昌府在興寧縣北五里洪塘坪南漢劉錡置使其

子鎮之宋開寶四年廢為興寧考宋代地志諸書

端州領縣二

高要 平興

英州乾亨四年析興王府滇陽縣置十國春秋蘭

志

二

記云乾和五年置英州而通鑑乾和三年出王翺為

滇陽

雄州本始興郡滇昌縣地乾和四年於此置雄州寰宇

記方考云劉龔置領縣一

滇昌蘭修按興地紀勝引圖經宋避仁宗嫌名始

改滇昌為保昌通考南漢以保昌縣置雄州

敬州蘭修按宋會要宋志通考避翼祖諱稱恭州非

實改也興地廣記開寶四年改為梅州熙寧六

年始廢歐史職本潮州程鄉縣乾和三年升為敬州

程鄉

寰宇記領縣一

封州領縣二

蘭修按唐書地理志武德四年析封川置封興縣後省寰宇記宋志通考輿地

廣記輿地紀勝並云封州領封川開建二縣與唐志合今從之郝玉麟廣東通志乾亨初改封川為封興并省開建入之誤也

封川 開建

康州領縣四

端溪 晉康 悅城 都城

恩州領縣三

恩平 杜陵 陽江

瀧州領縣四

蘭修按唐志貞觀十八年藥州廢省安遂永業以永安南二縣屬瀧州至德二載改安南為鎮南天寶元年改永安為鎮南瀧水開陽鎮南建水四縣寰宇記瀧州原領縣屬康州與唐志合今從之舊唐書地理志分永安

志

三

建水為二縣輿地廣記宋朝事實十國春秋俱有安遂誤也

瀧水 開陽 鎮南 通考作 建水

勤州領縣二

銅陵 富林

新州領縣二

新興 永順

高州領縣三

電白 良德 保定 蘭修按通典舊唐志寰宇記宋朝事實通考作保定唐志

九域志輿地廣記輿地紀勝作保寧

潘州領縣三

茂名 梁開平元年改為越裳縣 辭居正乾亨七年

十月復名十國春秋 蘭修按王溥五代會要後唐同光元年十月改越裳縣復為茂明即乾亨七年也時地屬南漢於後唐無涉十國春秋改正也是也今從之茂明當作茂名聲近之誤

潘水十國春秋 南巴作潘川誤

羅州領縣三蘭修按唐志天寶元年改石城為廉江招義為幹水大厓八年以南河屬順州

羅州實領廉江吳川幹水零緣四縣寰宇記九域志宋朝事實廉江地廣記興地紀勝引宋會要並云開寶五年省廉江幹水零緣三縣入吳川屬辨州

與唐志合然興地廣記云南漢立常樂州兼置博電零緣鹽場三縣緣之諸書亦云開寶五年省常

樂州以博電零緣鹽場三縣置石康縣屬廉州是

西南漢時有兩零緣縣也按寰宇記零緣縣在羅州

卽今石城縣治常樂州在今合浦縣東北三十里

是二州壤地相接南漢置常樂州時以羅州之零

緣分隸耳非別置一零緣縣諸書兩見誤也今改

志

四

廉江 吳川 幹水

辨州領縣二蘭修按宋會要李燾長編宋志通考太

方考有辨州復有化州誤也又按唐志乾封二年割

羅辨入禹州大厓八年割龍化入順州辨州止領石

龍陵興地廣記化州順州俱有龍化並誤

石龍 陵羅

春州領縣三

陽春 流南蘭修按唐志武德四年置流南縣後

南羅水開寶六年廢流南羅水二縣入陽春興地

紀勝引宋會要同據此則南漢復置流南縣矣

羅水

雷州十國春秋 梁開平三年移治驚雷江源南漢復

歸海康寰宇記 蘭修按黃佐廣東通志開平領縣

四年遷白院村乾亨二年遷特侶塘

海康 遂溪 徐聞

邕州

蘭修按五代會要天福七年改邕州為誠州避廟諱寰宇記晉天福七年即漢光天元年

諱漢初復天福七年即漢光天元年領縣七

宣化 武緣 晉興 朗寧 思龍 唐志寰宇記作思籠

如和 宋志作如化 封陵 輿地廣記作豐陵

澄州

蘭修按輿地紀勝云圖經以為唐末廢澄州領非是當從會要也歐史職方考無澄州誤

縣四

蘭修按唐志澄州領縣四寰宇記宋開寶六年廢澄州併止戈賀水無虞入上林屬邕州與唐

志合今從之十國春秋澄州止領上林一縣誤

上林 無虞 止戈 賀水

貴州

蘭修按貴州至宋未廢歐史職方考無貴州誤領縣四

志

五

鬱平

蘭修按唐志貴州下作鬱林縣於鬱林州下見鬱林州下

懷澤 義山 潮水

巒州

蘭修按宋朝事實輿地紀勝宋開寶五年始廢和郡縣志作巒州入橫州歐史職方考無巒州誤李吉甫元

蠻州

亦誤領縣三

永定 十國春秋作永令誤 武羅 靈竹 十國春秋作靈川誤靈川屬桂州

橫州領縣三

寧浦

從化 蘭修按唐志從化本名淳風永貞元年改寰宇記云犯憲宗廟諱也輿地

紀勝云開寶五年併樂山從化二縣入寧浦與唐志合通考作淳風十國春秋從之誤也 樂

山

賓州領縣三

嶺方

元和志宋志通考作嶺方 瑯琊 保城 宋志作石城輿地紀勝作寶城

並誤

潯州領縣二

桂平

十國春秋桂誤

皇化

蘭修按通典通考作宣化舊唐志云貞觀七年置潯

州領桂平皇化等縣又云宣化漢阿林縣屬鬱林郡隋置皇化縣後廢貞觀六年復置云云據此則宣字乃傳寫之譌耳唐志元和志宋志寰宇記九域志輿地紀勝皆作皇化十國春秋作宣化誤也

宣化屬邕州

容州領縣六

蘭修按唐志容州領縣六宋志寰宇記九域志輿地廣記輿地紀勝引郡邑圖

志並云開寶五年廢容州之欣道渭龍陵城仍領普寧陸川北流三縣與唐志合今從之十國春秋領縣四無陸川欣道誤

普寧

北流

陵城

渭龍

欣道

陸川

牢州

蘭修按宋朝事實輿地廣記輿地紀勝引宋會要開寶七年始廢牢州入鬱林州歐史職方考

志

六

無牢州誤領縣三

定川

南流

宕川

通典新舊唐志九域志宋志宋朝事實輿地紀勝通考俱

作宕川是也寰宇記作巖川輿地廣記作安川十國春秋作宕川並誤

白州領縣四

博白

建寧

周羅

南昌

欽州領縣五

欽江

保京

蘭修按新舊唐志至德三載改安京為保京宋志云宋初復為安京是也

輿地廣記謂唐改安京今不從

內亭

遵化

靈山

蘭修按舊唐志作靈

川誤也靈川屬桂州

廉州領縣四

合浦大寶初析置媚川都

輿地紀勝

封山

蔡龍

大廉

常樂州本合浦縣地南漢立常樂州十國春秋云兼

置博電鹽場二縣輿地廣記蘭修按輿地廣記原

州下說見羅割羅州零綠縣隸之領縣三

博電本合浦地與鹽場同置 鹽場 零綠

黨州領縣四蘭修按唐志黨州領撫安善勞善文寧

四縣建中二年平琴州廢皆屬黨州無省某縣明文

輿地廣記云唐廢平琴州入黨州後又省善文寧仁

福陽古符四縣據此可補唐志之闕又云宋開寶七

州與寰宇記九域志宋志宋朝事實輿地紀勝同今

從之歐史職方考無黨州通考黨州領善勞撫安善

文寧仁四縣十國春秋從之並誤

撫安 善勞九域志輿地紀容山宋朝事實

勝作善牢誤

懷義

繡州蘭修按宋志輿地紀勝引宋會要開寶五年始

廢繡州省常林阿林羅繡三縣入普寧屬容州

歐史職方考領縣三

常林十國春秋阿林 羅繡

鬱林州領縣三蘭修按唐志建中二年省鬱林州之

栗四縣十國春秋有石南誤也又按潭栗縣新舊唐

志俱不注沿革通考云唐鬱林州領縣五後廢石南

潭栗則潭栗在唐末已省故寰宇記九域志宋志宋

朝事實輿地廣記輿地紀勝並云開寶五年省鬱平

興德二縣人興業而不及潭栗也

今從之十國春秋有潭栗亦誤

鬱林輿地紀勝鬱林州鬱林縣下云本漢廣鬱縣

地沈約宋志及元和郡縣志並云吳改廣鬱

為陰平縣晉改為鬱平縣歷代因之然晉宋以下

諸志止有鬱平而無陰平是改廣鬱為鬱平也元

和郡縣志又云隋開皇十年於此置鬱林縣是鬱

林縣始置於隋也改隋志於鬱林郡下始並列鬱

林鬱平二縣通典云大唐於鬱平懷澤湖水義山
四縣置貴州是鬱平縣隸貴州也又云大石
南鬱林等五縣置鬱林州是鬱林縣隸鬱林州也
國朝會要云開寶四年廢鬱林州鬱林縣與業縣
又云開寶四年改貴州鬱平縣為鬱林縣則開
寶四年既廢鬱林州之鬱林縣故移鬱林縣之名
冠之於鬱平在隋始分建鬱林縣與鬱平並置唐始
則為鬱平在隋始分建鬱林縣與鬱平並置唐始
以鬱平隸於二州至國朝開寶平嶺南廢鬱林州之
鬱林縣入廣業縣而改貴州之鬱平縣為鬱林縣
而二縣之名始合為一新唐書志却以鬱平隸
鬱林州而以鬱林縣隸貴州與通典殊不相應蓋
杜佑唐人也紀唐之縣名必不差謬而新唐書以
本朝更易之縣名而定唐人之縣名始不得其實
矣不可以不辨蘭修按王象之此論甚晰故備載
之
興業 興德

藤州領縣四

鐔津 感義 義昌 寧風

志

八

賓州領縣四

信義 懷德 潭峩 特亮
北昔有白牛夜出光影照林村人以牛光影為特
亮故名舊唐志作特亮宋朝事實輿地廣記俱作
亮縣十國春秋
作時亮並誤

義州 蘭修按九域志長編宋開寶四年始改義
州為南義州歐史職方考無義州誤也 領縣

三

岑溪 永業 連城

禹州領縣三

蘭修按唐志大厓八年以溫水屬順州
唐末以陸川屬容州寰宇記禹州有溫

水十國春秋有陸川而無羅辨並誤又唐志禹州領
義石羅辨扶萊宕昌四縣而容州北流縣注云武德

四年析置宕昌貞觀後省不應復有宕昌縣九域志
宋志輿地廣記輿地紀勝引宋會要並云開寶五年

廢禹州省峩石扶萊羅辨入北流縣不
及宕昌今從之歐史職方考無禹州誤

峩石 羅辨 扶萊 蘭修按唐志扶萊縣武德四年置以扶萊水得名通典舊

唐志通考十國春秋作扶桑誤

順州領縣四 蘭修按唐志大厯八年容管經畧使王翊析辨州龍化禺州溫水羅州南河白

州龍豪置順州九域志宋志輿地廣記通考並云開寶五年廢順州省龍豪溫水龍化南河入陸川屬容州與唐志合今從之寰宇記順州止領龍豪南河二縣歐史職方考無順州並誤

龍化 溫水 南河 龍豪

瓊州元領縣五南漢省曾口顏羅二縣 輿地廣記通考同蘭修

按寰宇記云顏羅唐時省今不從又按寰宇記輿地廣記通考並云唐貞元七年省容瓊縣十國春秋仍有容瓊領縣三

瓊山 臨高 樂會

崖州領縣三 蘭修按唐志貞觀五年割崖州臨高入瓊州通考十國春秋仍有臨高誤也又

志 九

按舊唐志崖州有舍城縣宋志宋朝事實通考並云開寶五年廢崖州以舍城澄邁文昌入瓊州與舊唐志合今從之新唐志謂舍城開元後省亦誤

舍城 澄邁 文昌

儋州元領縣五南漢省富羅縣 輿地廣記通考同領縣四

義倫 昌化 感恩 洛場 新舊唐志輿地紀勝皆作洛場寰宇記輿

地廣記通考十國春秋作洛陽誤

萬安州元領縣四南漢省富雲博遼二縣 輿地廣記通考同

蘭修按寰宇記云唐末省今不從 領縣二

萬安 陵水 十國春秋作陸水誤

振州元領縣五南漢省延德臨川落屯三縣 宋朝事實輿地

廣記通考同蘭修按寰宇記仍領縣五誤又按長編開寶五年六月徙崖州於振州遂廢振州歐史職

方考無振
州亦誤
領縣二

寧遠 吉陽

思唐州領縣二蘭修按唐志永隆二年析龔蒙象三州置思唐州領縣二九域志輿地廣

記並云宋開寶五年改州曰思明六年州廢省思和入武郎屬龔州歐史職方考無思唐州十國春秋思

唐州無縣並誤又按輿地廣記云晉天福初改州曰思化漢初復天福元年即漢大有九年時地屬南漢

於晉無涉

武郎 思和蘭修按本平原唐長慶二年改寰宇記九域志仍作平原誤

融州五代屬楚乾和九年歸南漢領縣二

融水 武陽

郴州晉天福初避諱改為敦州輿地紀勝引寰宇記蘭修按今本寰宇

記廢臨武平陽蘭修按通考誤二縣入桂陽監又廢

志

十

資興縣漢復為郴州考乾和九年歸南漢領縣五

郴晉天福初改為敦化漢初復寰宇記義章 高

亭通考十國春秋作南亭誤郴義本義昌後唐同光中避諱

改輿地廣記藍山

桂陽監唐元和時置晉廢平陽臨武二縣地入之

連州五代屬楚乾和九年歸南漢領縣三

桂陽 陽山 連山

昭州五代屬楚乾和六年歸南漢領縣三

平樂 恭城 永平

宜州五代屬楚乾和九年歸南漢省崖山東璽二縣

通考領縣二

龍水 天河

桂州五代屬楚乾和九年歸南漢領縣十一

臨桂 理定 靈川 陽朔 荔浦 永寧本豐

水梁時改 修仁 慕化本純化唐永貞元年改

為慕化避憲宗廟諱梁開平元年改為歸化後唐

同光初復為慕化寰宇記 蘭修按新舊唐志俱

宋志宋朝事實興地廣記興地紀勝並作慕化據

興地紀勝引唐志原作慕化今本唐志古縣下注

亦作慕化可證恭字乃傳刻之譌也通考云唐恭

化縣後唐改慕化誤又按梁敬祖諱茂琳慕茂聲

近故改歸化當時避諱之體如此五代會要謂梁

改純化為歸化同光中復為純化十國春秋從之

誤 永福 古 義寧本靈川縣歸義鄉晉開運

元年置義寧縣輿地紀勝引皇朝志 蘭修按時

有兩義寧縣一屬廣州唐開元二

十三年開州再廢以新會義寧復隸廣州是也一

屬桂州晉開運元年馬氏所立是也九域志於廣

州義寧云開寶五年廢入新會六年復置於桂州

義寧云開寶五年廢入廣州新會六年復置宋志

輿地紀勝引宋會要並同按桂州義寧與廣州新

會相去千有餘里合而為一其誤甚矣十國春秋

桂州無義寧縣亦誤

溇州晉開運三年二月楚馬希範請以桂州全義立

溇州五代乾和九年歸南漢領縣一蘭修按九域志

德元年廢州以全義縣隸桂州與薛史合是也歐史

職方考無溇州誤又按五代會要云開運三年升桂

州全義縣為溇州改全義為德昌縣并割桂州臨川

廣明義寧三縣隸之按桂州臨川皆作靈川寰宇記

九域志宋志興地廣記興地紀勝通考諸書無廣明

縣亦無靈川義寧屬溇州之說會要誤也十國春秋

云割桂州廣明義寧

二縣隸溇州亦誤

全義本屬桂州晉開運三年立溇州改為德昌縣

後復名輿地廣記

賀州五代屬楚乾和六年歸南漢領縣六

臨賀 桂嶺 馮乘 封陽 富川 蕩山

梧州五代屬楚乾和九年歸南漢領縣三蘭修按唐志光化三年

年馬殷表以戎城孟陵屬桂州而九域志宋朝事實輿地廣記輿地紀勝並云宋開寶五年省梧州之戎城孟陵入蒼梧殆南漢復以二縣歸梧州與

蒼梧十國春秋 戎城 孟陵

蒙州五代屬楚乾和九年歸南漢領縣三

立山 東區宋志作連區誤 正義

嚴州五代屬楚乾和九年歸南漢領縣三蘭修按新舊唐志領

來賓歸化循德三縣通考宋開寶七年廢嚴州以修德歸化屬來賓隸象州與新舊唐志合今從之寰宇

志

三

記九域志宋志宋朝事實輿地廣記輿地紀勝皆不及循德誤

來賓 循德通考作修德 歸化

富州梁開平二年入楚乾和九年歸南漢領縣三

龍平 思勤 馬江

柳州五代屬楚乾和九年歸南漢領縣五蘭修按唐志柳州領

馬平龍城象洛曹洛容五縣九域志宋志輿地廣記嘉祐四年始省象縣入洛容宋朝事實輿地紀勝引宋會要淳化元年始以洛曹屬容州十國春秋柳州止領縣三無象洛曹二縣誤

馬平 龍城蘭修按宋朝事實輿地紀勝宋景德三年始改龍城為柳城十國春秋作

柳城 象 洛曹蘭修按唐志云本洛封元和十三年更名洛漕通考仍作洛封

誤也諸書作洛曹今從之 洛容

龔州梁開平二年入楚乾和九年歸南漢領縣五蘭修

按新舊唐志寧風屬藤州通典通考龔州有寧風十
國春秋藤州龔州皆有寧風並誤輿地紀勝引宋會
要紹興七年始廢龔州屬潯
州歐史職方考無龔州亦誤

平南 武林 宋志宋朝事實輿 隋建 大同

陽川

象州五代入楚乾和九年歸南漢領縣三

陽壽 武仙 武化 蘭修按輿地紀勝引宋會要
賓景祐元年復又引廣西郡邑志云熙寧四年省
武化入陽壽宋志熙寧七年廢武化入來賓諸說

謂武化五代時省十國春秋從之誤
蘭修又按十國春秋南漢有思州領務川寧彝思
印思王四縣考思州唐屬黔中道後入於番宋徽

宗時番長內附復置思州即今貴州思南府地與
南漢絕不相涉茲刪正又交州雖已內附羈縻而
已不能實有其地也併刪之右志共州六十二縣

二百一十四縣數與長編宋史本紀及地理志合

惟彼云六十一
州不相符耳

志

十三

道卷十三 龔
中書一宮抄本

南漢地理志終

受業張其翻校